

## Big Big Big 2025 Nyooz:

**Di sekan edishan a di dikshiner don redi!** Luk owt fi laanch infamayshan soon! Az wi mi tel unu eena di laas week a Disemba, wi mi en 2024 hapi dat di dikshineri gaahn gaahn print eena Disemba. Bot wi en di yaa sad sad sayka Faada Gaad kaal bak too peopl weh mi help wi nof wid di sekan edisahn a di Kriol-Inglish dikshineri, **Paul Crosbie** (Janiweri 18, 1948 – Disemba 1, 2024), ahn **Geraldine Jennifer Tillett** (Febiweri 15, 1955 – Disemba 18, 2024). Wi tank Faada Gaad fu di werk dehn help owt wid, wid lov eena dehn haat.

In fak, **Paul Crosbie** da-mi di cheef edita fu di fos edishan weh mi kohn owt eena 2007. Hihn an ih wiaf Cindy mi werk pahn di Sayn Loosha (St. Lucia) Kweyol dikshineri bifo dehn mi kohn d Bileez. Paul mi ga yaaz ahn yaaz di werk wid langwij. Ahn **Geraldine Tillett** da-mi wahn lang-taim sopoata a evriting fi du wid big op di Kriol langwij, di Kriol raitn sistim, ahn wid Bileez. In fak, shee da-mi wan a di valantyya teeche dehn eena di 2011 akshan risaach weh mi shoa how wen di pikni dehn valyu dehn Kriol langwij, ahn wen dehn noa bowt Kriol langwij roolz, how ih help mek dehn yooz Inglish beta.

Dehn werk wahn liv aan! **Luk owt fi moa infamayshan bowt di sekan edishan a di laanch a di Kriol-Inglish diskshineri.** Wi tank di Minischri a Ejukayshan ahn NICH ahn SIL Lingwistiks Groop ahn Wycliffe fi dehn sopat agen wid dis sekan edishan, jos laik dehn mi help wid di 2007 laanch a di fos edishan. Pahn tap, fu shoar shoar wi tank aal hoo mi kanchribyoot tu di sekan edishan! Wi wahn big dehn op eena wahn neks aatiki! Pahn tap, wi wahn aana adaz laik **Myrna Manzanares** and **Leela Vernon** ahn adaz wi laas sins di fos edishan. Gaad bless.